



МОНГОЛ УЛС
ДУНДГОВЬ АЙМГИЙН ЗАСАГ ДАРГЫН
ЗАХИРАМЖ

2023 оны 04 сарын 07 өдөр

Дугаар А/308

Мандалговь

2023 оны нэгдүгээр ээлжийн цэрэг
татлага явуулах тухай

Монгол Улсын Батлан хамгаалах тухай хуулийн 17 дугаар зүйлийн 17.1.4, Цэргийн албаны тухай хуулийн 13 дугаар зүйлийн 13.1, Засгийн газрын 2022 оны мн/209 дүгээр тогтоол, Зэвсэгт хүчний Жанжин штабын даргын 2023 оны н/60 дугаар тушаал, Сангийн сайдын 2021 оны 61 дүгээр тушаалаар баталсан “Засаг даргын нөөц хөрөнгийн зориулалт, зарцуулалтын нийтлэг журам”-ын 2.1.5 дахь заалт аймгийн Засаг даргын зөвлөлийн хурлын 2023 оны 03 дугаар сарын 16-ны өдрийн 03 дугаар хурлын тэмдэглэлийг тус тус үндэслэн ЗАХИРАМЖЛАХ нь:

1. Аймгийн 2023 оны нэгдүгээр ээлжийн цэрэг татлагын товчоог дараах бүрэлдэхүүнтэйгээр байгуулсугай.

Товчооны дарга:	Л.Доржбат	(Аймгийн Засаг даргын Тамгын газрын даргын үүргийг түр орлон гүйцэтгэгч)
Орлогч дарга:	Ө.Баясгалан	(Цэргийн штабын дарга, дэд хурандаа)
Нарийн бичгийн дарга:	Г.Цэрэндолгор	(ЦШ-ын тоо бүртгэлийн ахлах офицер, дэд хурандаа)
Гишүүдэд:	Б.Алтантөгс	(Эрүүл мэндийн газрын дарга)
	Э.Энхзоригт	(Нэгдсэн эмнэлгийн ерөнхий эмч)
	Б.Мөнхбат	(Цагдаагийн газрын дарга, цагдаагийн дэд хурандаа)
	А.Отгонбаатар	(Биеийн тамир, спортын газрын дарга)
	Ц.Баттулга	(Цэргийн штабын орон нутгийн бэлтгэл, сургалтын офицер, дэд хурандаа)

2. 2023 оны нэгдүгээр ээлжийн цэрэг татлагыг 04 дүгээр сарын 22-ноос 04 дугаар сарын 28-ны өдрүүдэд Цагаандэлгэр, Говь-Угтаал, Баянжаргалан, Өндөршил, Гурвансайхан сумдад Сайнцагаан суманд 05 дугаар сарын 01-02-ны өдрүүдэд цэрэг татлагын нэгдсэн үзлэгийг тус тус зохион байгуулалтын өндөр түвшинд явуулсугай.

3. Цэрэг татлагын товчоонд даалгах нь:

а/. Монгол Улсын Засгийн газраас тогтоосон ээлж, хугацаанд цэрэг татлагыг зохион байгуулж, Зэвсэгт хүчний Жанжин штабаас өгсөн хяналтын тоог биелүүлэх;

б/. цэргийн жинхэнэ албанд татагдах насны иргэдэд нарийн мэргэжлийн эмчийн үзлэг хийх;

483100544

в/. цэрэг татлагын товчоо нь иргэнийг "Цэргийн албаны тухай хууль"- ийн 16.2, Засгийн газрын 2019 оны 441 дүгээр тогтоолоор батлагдсан "Иргэнийг цэргийн жинхэнэ албанд эрүүл мэндээр тэнцүүлэх болон цэргийн алба хаагчийн эрүүл мэндийн байдлыг тодорхойлох журам"-д заагдсан өвчин эмгэгийн жагсаалтад заасныг үндэслэн цэргийн жинхэнэ албанд татахаас тухайн жил түр чөлөөлөх;

г/. иргэдээс цэрэг татлагатай холбоотой гаргасан өргөдөл, гомдлыг холбогдох хуулийн дагуу хянан, шуурхай шийдвэрлэх, цэрэг татлагын үед үүргээ биелүүлээгүй иргэд, албан тушаалтанд хуулийн дагуу арга хэмжээ тооцож ажиллах;

д/. 1973-1997 оны цэргийн албыг аль нэгэн төрлөөр хаагаагүй иргэдийг Цэргийн албаны тухай хуулийн 31 дүгээр зүйл, 2009 оны "УИХ-ын 33 дугаар тогтоол" Засгийн газрын 2016 оны 215 дугаар тогтоолын дагуу мөнгөн төлбөрийн хэлбэрээр орлуулан хаах төлбөрийн хэмжээг тооцож мөнгөн төлбөрийг төлүүлэх;

е/. цэргийн албанд тэнцсэн иргэнийг цэргийн жинхэнэ алба хаалгах шийдвэр гаргаж цэргийн анги, байгууллагад хуваарилах, Зэвсэгт хүчний Жанжин Штабаас өгсөн хяналтын тооны дагуу гэрээт цэргийг журмын дагуу сонгон авах;

ё/. Засгийн газраас тогтоосон хяналтын тоонд багтаан цэргийн албыг биеэр дүйцүүлэн хаах иргэнийг сонгон авах;

ж/. цэргийн насны залуучуудад "Бичиг үсгийн боловсролыг дээшлүүлэх" талаар авсан арга хэмжээ, сургалт явуулсан тухай тайланг сумдын Ерөнхий боловсролын сургуулийн насан туршийн боловсрол хариуцсан мэргэжилтнээс авах, урд онуудад цэрэг татлагын товчоогоор орж өвчний улмаас чөлөөлөгдсөн залуучуудын өвчлөл, тэдгээрийг эрүүлжүүлсэн тухай тайланг хүн тус бүрээр сумдын Эрүүл мэндийн төвийн их эмчээр гаргуулан авах;

з/. нийтийн албанд нийтийн болон хувийн ашиг сонирхлын зөрчлийг зохицуулах, ашиг сонирхлын зөрчлөөс урьдчилан сэргийлэх тухай хуулийн хэрэгжилтийг ханган, ашиг сонирхлын зөрчлөөс ангид байх;

4. Сумдын Засаг дарга нарт даалгах нь:

а/. цэрэг татлагын товчоогоор орох цэргийн насны иргэдэд зарлан дуудах мэдэгдлийг албан ёсоор хүргүүлэх, тэдгээрийг бүрэн хамруулах ажлыг зохион байгуулах, Засгийн газрын 2019 оны 144 дүгээр тогтоолоор батлагдсан "Иргэнийг цэргийн жинхэнэ албанд эрүүл мэндээр тэнцүүлэх болон цэргийн алба хаагчийн эрүүл мэндийн байдлыг тодорхойлох журам"-д заасны дагуу 8 төрлийн шинжилгээний бичиг, баримтыг бэлтгүүлсэн байх, нарийн мэргэжлийн эмч нарын үзлэгт орох залуучуудыг тогтоосон өдөр, цагт цэрэг татлагын байранд бэлэн байлгах;

б/. багийн Засаг дарга нар өөрсдийн багийн цэргийн насны залуучуудыг удирдан зохион байгуулан оролцуулах,;

в/. цэрэг татлагын товчоогоор ороогүй цэргийн үүрэгтэнг эрэн сурвалжилж шалтгааныг тодруулан хүн нэг бүрээр тооцон гаргаж Цэргийн штабт өгөх;

5. Цэрэг татлагын байранд ажиллах албан тушаалтнуудыг нэгдүгээр хавсралтаар, цэрэг татлага явуулах хугацааг хоёрдугаар хавсралтаар, зардлын төсвийг гуравдугаар хавсралтаар тус тус баталсугай.

6. Тус үйл ажиллагааны зардал 11,237,260 (арван нэгэн сая хоёр зуун гучин долоон мянга хоёр зуун жар) төгрөгийг аймгийн Засаг даргын нөөц хөрөнгөөс зарцуулахыг аймгийн Засаг даргын Тамгын газрын даргын үүргийг түр орлон гүйцэтгэгч (Л.Доржбат)-д зөвшөөрсүгэй.

7. Цэрэг татлагын товчооны албан ажлын хэрэгцээнд суудлын автомашин гаргаж үйлчлүүлэхийг аймгийн Засаг даргын Тамгын газрын дарга (үүргийг түр орлон гүйцэтгэгч Л.Доржбат)-д, Цэргийн штабын захиалгын дагуу сумдын цэргийн цэргийн насны залуучуудад эрүүл мэндийн үзлэг хийх нарийн мэргэжлийн эмч нарын

бүрэлдэхүүнийг автомашинтайгаар томилох, цэргийн албанд тэнцсэн иргэдэд шинжилгээ, үзлэгт хамруулахад шаардлагатай рентген, шүд, сэтгэцийн кабинет, эхо, эмнэлзүйн лаборатори, хяналтын үзлэг хийхэд шаардлагатай нарийн мэргэжлийн эмч нарыг 2023 оны 04 дүгээр сарын 30-ний өдөр Төрийн албаны тухай хуулийн 37.1.18, Засгийн газрын 2019 оны 441 дүгээр тогтоолоор баталсан "Иргэнийг цэргийн жинхэнэ албанд эрүүл мэндээр тэнцүүлэх болон цэргийн албан хаагчийн эрүүл мэндийн байдлыг тодорхойлох журам"-д заасны дагуу ажлуулахыг Эрүүл мэндийн газар (Б.Алтантөгс), Нэгдсэн эмнэлэг (Э.Энхзоригт), цэргийн албанд тэнцсэн залуучдын нэгдсэн үзлэгийг аймгийн Биеийн тамир, спортын газрын зааланд зохион байгуулах тул шаардлагатай тоног төхөөрөмж, табель хэрэгслээр хангахыг Биеийн тамир спортын газар (А.Отгонбаатар) тус тус үүрэг болгосугай.

8. Цэрэг халалт, татлагын үед нийгмийн хэв журам сахиулах, гэмт хэрэг зөрчлөөс урьдчилан сэргийлэх, цэргийн албанд татах тухай зарлан дуудах мэдэгдэл аваад тогтоосон хугацаанд цэрэг татлагын байранд ирээгүй цэргийн үүрэгтэнг эрэн сурвалжилж татлагад оролцуулах, цэрэгт татагдагчдыг тээвэрлэх автомашины бүрэн бүтэн байдлыг хангуулж цэрэг тээвэрлэх зөвшөөрөл өгөх, жолооч нарын хариуцлагыг дээшлүүлж хөдөлгөөний аюулгүй байдлыг хангуулах зэрэг дэг журам сахиулах бүх талын арга хэмжээг авч ажиллахыг Цагдаагийн газар (цагдаагийн дэд хурандаа Б.Мөнхбат)-д даалгасугай.

ЗАСАГ ДАРГА



Ц.МӨНХБАТ